



18 MAART 2018

09:00 Erediens

Peet Crous

"...Ek is dors." Joh. 19:28

Al die nuwe intrekkers word hartlik uitgenooi na 'n Nuwe Lidmate-tee na die diens in die Kapel.

09:00 Kategese Gr 1 – 6 (begin in die kerk)

09:00 Kleuterkerk

Paas-afsluiting. Almal welkom!



18:00 Aanddiens & Pelgrimsgroepe (Snr. Kategese)

onthou asseblief om jou boekie en pen te bring

Fay van Eeden

19:00 Belydenisklas in A21 (Jeugsentrum)

Kursus #4: Wie is ek? Grootgroep

25 MAART 2018

09:00 Erediens – Kerk

Eric Scholtz

"Dit is volbring." Joh. 19:30

09:00 Gesinsdiens – Saal

Peet Crous

"Dit is volbring." Joh. 19:30

**Geen Jnr. Kategese en Kleuterkerk –
woon die Gesinsdiens saam met ouers by.**

18:00 Aanddiens & Pelgrimsgroepe (Snr. Kategese)

Jeanri Bezuidenhout

19:00 Belydenisklas

Hoekom gebeur slegte goed met goeie mense? Kleingroepe

"Ek is dors."

- Joh. 19:28



Ses-weke-se-gee (Lydenstyd-projek):

Almal in die gemeente, jonk en oud, word hartlik uitgenooi om tydens lydenstyd elke week iets saam te bring vir 'n goeie doel! Die items, met die projekte wat die skenkings sal ontvang langsaan aangedui, is as volg:

- Lydensweek 1 (18 Februarie): 'n kledingstuk ten bate van die CMR.
- Lydensweek 2 (25 Februarie): Speelgoed (in besonder opvoedkundig) vir Ubuhle Kleuterskool.
- Lydensweek 3 (4 Maart): *Toiletries* vir Wespoort.
- Lydensweek 4 (11 Maart): Nie-bederfbare produkte vir Wozanibone Skool.
- Lydensweek 5 (18 Maart): Nie-bederfbare produkte vir Harmonie-Oord.
- Lydensweek 6 (25 Maart): Skryfbehoeftes vir Ya Bana.

Merk asseblief die produkte **duidelik** wat vir die **Lydenstyd-projek** bedoel is en plaas dit in die wit kas in die portaal. Byvoorbaat baie dankie. U meelewing word opreg waardeer!

Die week se kalenderaktiwiteite

Dinsdag: **Bybelstudie** 08:15 (Nerina Deale, Elveramstraat 51, Lynnwood Glen, 012 361 1896) – Peet Crous 012 348 4004 / 079 893 5572.
Bybelstudie 08:30 (Kapel) – Eric Scholtz 012 361 4219 / 082 856 5959.
Tabita Naaldwerkklasse 14:00 (Kerksaal) – Selma du Preez 082 448 6413.
Nuwe Generasie Bybelskool 19:00 (Sjêk) – Jakkie Strachan 084 547 1660.

Woensdag: **Menseregtedag.**

Donderdag: **Bybelstudie** 09:30 (Lynnwood Oord).
Tabita Naaldwerkklasse 14:00 (Kerksaal) – Selma du Preez 012 361 1626 / 082 448 6413.
Jong Volwasse-omgeegroep 19:00 (Sjêk) – Fay van Eeden 083 478 0854.

Vrydag: **Bybelstudie** 08:00 (Kapel) – Eric Scholtz 012 361 4219 / 082 856 5959.
Gebedsgroep 09:30 (B5). Kontak: Hanthi Jacobs 012 361 9058 / 083 293 0263 of Peet Crous 012 348 4004 / 079 893 5572 met gebedsversoeke.

Voorbidding:

Jannie Grobbelaar, Dawnweg 523, Lynnwood, 082 801 4676 – sterk tuis aan.

Pierrette Hamman bedank graag almal vir die liefde, gebede en ondersteuning tydens haar operasie

Paint night - 20 Maart om 18:30:

'n Kreatiewe aand vir oud en jonk onder die sterre. Ons gaan saam nagmaal vier waarna ons op 'n informele wyse die betekenis daarvan met verf gaan vasvang. Die koste vir die geleentheid is R100 wat jou eie canvas, alle verfbenodighede en ligte verversings insluit. Bring asseblief jou eie drinkgoed. RSVP asseblief voor of op 18 Maart by die kerkkantoor. Vir meer inligting kontak gerus vir Fay (083 478 0854) of Liani (079 506 4078).

Selfoon-versoek:

Het jy moontlik 'n ekstra selfoon wat foto's kan neem? Kontak Juan 084 588 4948 of Peet 079 893 5572.

Baie welkom aan alle besoekers en nuwe intrekkers. Ontmoet gerus die predikant na die oggenddiens by die liturgiese ruimte. Skryf asseblief ook u naam in die boek in die portaal of skakel die kerkkantoor. Ons wil u graag verwelkom. Besoek ook gerus die info-toonbank na die oggenddiens vir enige navrae.

Versoeke vir kontant:

Tans woon daar mense wat haweloos is ons erediens by; hulle is baie welkom! Moet egter asseblief nie vir hulle kontant gee nie. Ons help graag via Maatskaplike-dienste.

Dankoffers:

Oorweeg asseblief biddend 'n dankoffer d.m.v. een van die volgende wyses: koevert, aftrek- of debietorder, elektroniese oorplasing NG Lynnwood, ABSA Takkode: 632005, Tjekrekening nr. 540 580 014 (gebruik asseblief u Voorletters en Van as verwysing en e-pos bewys van finansies@nglynnwood.co.za of Snap Scan.



Snap here to pay

SnapScan

Kontak van die week: Leef met “Hineni”

Die laaste lied wat Leonard Cohen voor sy dood vrygestel het was “You Want It Darker”. In hierdie donker lied verwoord Leonard sy teleurstelling met die wêreld waarin ons leef wat vol geweld, moord, pyn en swaarkry is. Die bietjie hoop wat daar was, word deur mense soos ‘n flou kersie uitgedoof. Hierdie stand van sake laat hom ernstig twyfel oor God. Mense bid, maar daar kom niks van nie: “million candles burning for the help that never came”. Heeltemal tereg verwys hy selfs na die Bybel waarin gelowiges God se afwesigheid beleef.



Maar soos in ‘n goeie klaagpsalm, kla hy by God. Hy bespreek sy klag met die Here. Die teks is ‘n gebed waarin hy eerlik sy hart oopmaak. Wat egter die mees opvallende van die lied is, is die refrein wat vyf maal herhaal word: “Hineni, hineni, I’m ready, my lord.”

Die woord “Hineni!” kom 8 maal in die Ou Testament voor. Ons vind dit die eerste keer in Gen 22:1 waar Abraham op die roeping van God antwoord: “Hineni!” (Afr: Hier is ek!). Ek is teenwoordig. Ek luister. Ek gee myself in gehoorsaamheid aan U! Abraham het toe nie besef wat “Hineni” van hom gaan vra nie. Dit was ‘n duur antwoord. Veral toe die Here vra: “Vat jou seun, jou enigste seun Isak, wat jy liefhet...en offer jou seun as brandoffer.(Gen 22:2).

As hulle dan die lang pad teen die berg Moria uitklim, vra Isak: “Pa?”, en dan antwoord Abraham hy weer met: “Hineni!” (Hier is ek). Hierdie keer is hy ten volle teenwoordig by sy seun.

Dan op die hoogtepunt van die verhaal, as Abraham net reg is om sy seun te offer, met die mes in sy hand, roep die Engel van die Here hom en hy antwoord: “Hineni!”. Hy bevestig daardeur dat hy daar is vir God; wat die Here ookal van hom vra.

Leonard Cohen besef dis die einde van sy lewe en dat hy homself in hierdie moment maar net ten volle tot beskikking van God kan stel. Hy gaan egter verder deur ‘n aanhaling uit die *Kaddish*, die gebed vir die gestrowenes te sing: “Magnified, sanctified, be thy holy name”. Dis asof hy weer sing soos in die lied “Hallujah”: “I stand here before the Lord of song with nothing on my lips but hallelujah”.

In ‘n onderhoud met Leonard sê hy die volgende: *That declaration of readiness (hineni), no matter what the outcome, that’s a part of everyone’s soul. We all are motivated by deep impulses and deep appetites to serve, even though we may not be able to locate that which we are hoping to serve. So this is just a part of my nature and I think everybody else’s nature to offer oneself at the critical moment when the emergency becomes articulate. It’s only when the emergency becomes articulate that we can locate that willingness to serve. [pause] That’s getting too heavy. I’m sorry. Strike that!*

Ons word geroep om met ‘n “Hineni” (Hier is ek)-leweniswyse te leef deur “ten volle teenwoordig te wees”. Selfs as dit wat van jou gevra word, nie maklik of eenvoudig is nie. Dis is soms bitter moeilik om teenwoordig en beskikbaar te wees vir die pynlike, huidige moment. Ons luister nie altyd met volle aandag nie. Ons vlug in ons koppe in. Ons word egter genooi om aandagtig-teenwoordig te leef.

Ons “hineni”(hier is ek) nie noodwendig so dramaties soos Abraham s’n nie. Dit kan so eenvoudig wees soos om werklik te fokus as jou kind of vriendin met jou praat. Drome word dikwels nie in groot spronge waar nie, maar eerder deur die gewone treë wat jy gee.

Ek nooi jou om “hineni” die leuse te maak vir jou lewe!

T-Tyd

Gebruik die kaartjies met “Kruiswoorde” van Jesus in die Lydenstyd om die rykdom van Jesus se “hineni”-lewe te ontdek. Hy het mens kom word in ons lyding en sterwe. Ek nooi jou om werklik in lydenstyd met die “hineni” gebed te leef. Dit beteken om in elke moment teenwoordig te wees en gewillig te wees om te doen wat God van ons vra!

(Die video van Leonard Cohen se lied is hier te sien: <https://youtu.be/v0nmHymgM7Y>)

Groete

Immanuel van Tonder *(Namens die predikantespan)*

Naam _____

Selfoonnommer _____ Landlyn nommer _____

E-posadres _____

Kort beskrywing van Gawe

Terme en Voorwaardes van gawe (bv. X2 mense per week, Maandae)

Handtekening _____

Datum _____

*** Handig asseblief in by die info-toonbank, kerkkantoor of in die mandjie in die portaal.

*** Skakel 065 383 7292 of stuur gerus ook per epos aan helplift@nglynnwood.co.za

Gemeenskap

Skolliekamp 2018 - die week van jou lewe! 'n Skoolverlaterskamp vir Graad 11's en 12's: Hierdie jaar kamp die Noordelike en Oostelike Sinode saam. Ons is baie opgewonde hieroor! Die span bestaan uit verskeie studente, jong werkendes en ervare Skolliekampers. Die kamp bestaan al vir meer as 50 jaar en het al duisende jongmense se lewens aangeraak. Die leraars wat saam kamp vir 2018 is Anandie Greyling (Oostelike Sinode) en Johan Janse van Rensburg (Noordelike Sinode). Jaco Schoeman is ons kampeier vir 2018. Kyk gerus op Facebook of Whatsapp en skryf sommer dadelik in by www.skolliekampe.org.za.

Grootraam-voorskryf-sonbril het verlede Sondag by die kerk verlore geraak. Beloning aangebied. Skakel die kerkkantoor 012 348-1245.

2 Kamers te huur in Lynnwood: Sekuriteits-area : Studente- / jongwerkendes. Vir meer inligting kontak Alex Grobler 083 584 3783 of e-pos alexgrobler44@gmail.com.

Tuinwoning te huur in Lynnwood Glen: Volledig gemeubileer en toegerus. Water en elektrisiteit en Wi-fi ingesluit. Word een keer per week skoongemaak. Wasgoed word drie keer per week gedoen. Kontak Thea by 083 780 4156.

CMR Derdepoort: benodig 'n *Wendyhuis*. Indien u kan help kontak asseblief vir Petro Barnard 012 348 0003.

Kennisgewingsborde: Indien u 'n kennisgewing op die borde wil plaas, bring dit asseblief na die kerkkantoor of Info-toonbank – baie dankie vir u samewerking in dié verband.

Motorwagdonasies: Houers in die portaal beskikbaar – dankie vir u ondersteuning.

Byderhand: Kragonderbrekings: 012 339 9111 (080 111 1556 tolvry) of SMS "power" gevolg deur jou rekeningnommer na 082 612 0333.

Straatligprobleme: 080 111 1556 of e-pos customer-care@tshwane.gov.za.

Slaggate en/of robotte uit: e-pos customer-care@tshwane.gov.za.

Water probleme: 012 358 2111 of 012 327 0147 of

e-pos customer-care@tshwane.gov.za.

Watermeterlesings (deurgee) – rooster vir 2018 beskikbaar by www.tshwane.gov.

Registrasie om te stem (2019): **10 en 11 Maart 2018** (www.elections.org.za/MyIEC/Account/Register).

